

scabiem, a DEO profecto coercendam, reliquis affricaturi. *Cur enim me vel pudeat affirmare, vel fateri pigeat, non ea esse felicitate Gymnasium Schleusingense, ut inter discipulos, malus qui sit & ingratus, neminem habeat?* suo iamdum tempore, A. 1605. conquestus est Rector Gymnasii nostri multo literatissimus, B. Wolfg. Seberus, in oratione, publico iussu habita, typisque excusa de Satanae aduersus Scholas odio; quod aliquanto ante, A. 1664. asperior quaedam fortunae iniquitas, qualem utinam ne ego in discipulis meis habeam experiri! Gymnasium attentarat. Veruntamen longe maior est felicitas, longe amplior fortuna prospera. Superant etiamnum NVTRITORES SERENISSIMI, qui Gymnasio validissime fauent, eidemque, quibuscunque possunt modis, subueniunt. *Administratos* HI suos habent, Viros splendidos, qui de Principum voluntate saluti nobis sunt diligenter studiosissimeque. *Schleusingae nostrae*, ut Gymnasium prope intuear, adhucdum agit Dn. Ephorus summe venerandus. Et, si Dietmarum exceperis mortuum, Golnerumque Sulam traductum, sua caeteri munera hodieque conficiunt Praeceptores. *Pietas & disciplina* perstiterunt, neque a Satana, utut quotidie molitus sit, potuerunt per quinquennii tempus protinus disturbari. *Bonae literae* traditae sunt, & quam praescripsit Superiorum cura, methodus retenta fuit, ac vndique tenenda tantum non, singulis horis jure merito iniungitur. Viguerunt vigentque beneficia *Communitatis*, panis & iuris quotidiani, & panni Eleemosynarii. Collatae oppido sunt donationes, *Abesseriana, Werneriana, Lebzelteriana, Schottiana, Streitliniana, Dilberriana, Bechmanniana, Zapfiana, Ebertina, Hegewaldina, Hubneriana, & Forsteriana*, hoc ordine ab honoratissimo Dn. Ephoro alias recensitae; suaque nunc *Franckenbergeriana* sumet initia: Succreuit pecunia, quae per *Musicae circulaem* solet colligi. Praeiuuit *Laudatissimus Dn. Ephorus* suis ex Theologia lectionibus publicis, disputationibusque; secuti sunt Praeceptores, iuuentutem manu velut ducendo ad facienda ingeniorum pericula. Ut idcirco in Gymnasii Actis meique Rectoratus habeantur tot *exercitationes Theologicae, Ethicae & Oratoriae*: tot *declamationes publicae, publico-priuatae, menstruae, trimestres, valedictoriae e. s. p.*; tot per DEI gratiam hoc quinquennii interuallo introducti sint pueri & adolescentes, & iidem plerumque aduenae: tot in *Academias* se contulerint, qui ad Ecclesiae & Reip. commoda suam aliquando operam sunt nauaturi. Seruatae sunt antiquae aedes, *Classium VII., Phrontisterii, Dormitorii, Oeconomicae, Coenaculi*; ipsaeque *Praeceptorum Gymnasii* seruatae sunt aedes. TIBI, DEVS immortalis, pro hac fortuna quinquennali aeternae sunto gratiae & laudes continuae! Fieri vero patieris *beneficiorum breuem*, quod pro opibus nostris moenia efficimus, *historiam*; ut de hac nostra felicitate, in qua tamen delineanda nec iniquioris prorsus fortunae obliuiscemur, etiam alii cognoscant; fortunam quinquennalem, h. e. vltiorem mente demississima nobiscum voucant *SER. NVTRITORIBVS*: & tandem Gymnasio, quod annos iam centum & viginti quatuor seu ad *XXV. quinquennia* inter tot aduersae fortunae procellas substitit, secundissimos euentus rite gratulentur.

B

I. FOR-